

MRN. MATAMELA CYRIL RAMAPHOSA LE BAOFISIRI BA MMUŠO BA NTABA NYONI ESTATE LE NTABA NYONI FEEDLOT BA FA SARS TUMELELO YA GO DIRA POLELO PHATLATŠA KA GA MAEMO A BONA A OBAMELO YA MOTŠHELO

Tshwane, 7 Matšhe 2023 - Ka go naganela thakgaselo ya setšhaba le pelaelo ka ga merero ya balefela motšhelo Mrn. Matamela Cyril Ramaphosa, Ntaba Nyoni Estate le Ntaba Nyoni Feedlot, SARS e amogetše tumelelo ya Balefela motšhelo go ya ka karolo ya 69 (6) ya Molao wa Taolo ya Motšhelo wa 28 wa 2011 (TAA), go dira polelo phatlalatša. Ntle le go dira tumelelo ya go ngwalwa molefela motšhelo le Baofisiri ba Mmušo go ya ka karolo ya 69(6) ya TAA, SARS e be e tla šitišwa ke molao go ka dira polelo phatlalatša ye. Tumelelo ya dikhamphani e be e filwe ke Moofisiri wa Mmušo bakeng sa khamphani enngwe le enngwe yeo e kgethilwego go ya ka karoloya 246 ya TAA, 2011 le maikarabelo ka moka ditiragalo le merero ya khamphani ya motšhelo. Ke ka lebaka leo, SARS e fanago ka tlhaloso ya tše di latelago:

Go ya ka karolo ya 40 ya TAA, SARS e ka kgetha motho bakeng sa tekolo, tiišetšo, goba oditi go ya ka tebeledišo ya maleba ya taolelo ya tiragalo ya motšhelo, go akaretša tekolo y sewelo goba tekolo ya kotsi. Molefela Balefela motšhelo ba a kgeswa bakeng sa tekolo ya obamelo go ya le go hlakahlakana ga mekgwatšhomo ya go kgetha kgetsi ya motšhelo yeo e tšweleditšwego ke SARS yeo dirišwago go ya ka data yeo e hwetšagalago go tšwa go ditaodišo tša molao tša balefela motšhelo, data ya maloko a boraro gammogo le methopo e mengwe. SARS e dira ditsenelelo tša yona tša obamelo ka tlhokomelo e kgolo kudu le boitaolo. Go ya ka motlhako wo, balefela motšhelo bao go bolelwago ka bona mengwageng ya go feta bai le ba kgethwa bakeng sa oditi ke SARS pele ga mathomo a phatlalatšo ya boraditaba mabapi le dikhamphani gomme se ge e sale se tšwelapele go tloga fao..

Ka thušo ya badiredi ba yona le baeletši, balefela motšhelo ba be ba dutše ba dirišana mmogo le SARS ka botlalo ge go dirwa dioditi gomme ga se nke go be le botsenagare goba kgogela morago go tšwa go balefela motšhelo, badiredi ba bona, goba leloko lefe goba lefe.

Khomišinare wa SARS, Edward Kieswetter, o tiišetša gore: ***“Ga go na nako yeo ke ilego ka lepanywa ke Presidente Ramaphosa, goba motho yo mongwe legatong***

la gagwe, ka kgopelo efe goba efe ya go nyalelana le kgwebo ya gagwe le/goba dikgwebo tšeo go bolelwago ka tšona.”

Khomišinare o tšwetšepele ka go re: ***“Ka go tšea magato ao a kgethegilego a go bololla maemo a motšhelo a Presidente, ka tumelelo ya gagwe ya go ngwalwa, SARS e rata go hlohleletša baofisiri ba bangwe ba dipolotiki ba maemo a godimo le baetapele ba setšhaba go tšea magato a bjalo ka boitlamo bja bona bja ditiro tšeo di lego pepeneneng. Se se tla thuša kudu ka go aga boitshepo go ditheo tša naga ya rena.”***

Go fihla lehono, dioditi di phethagaditšwe ntle le go hwetša bothata bja motšhelo. SARS e lakatša go tiišetša gore balefela motšhelo ba obamela boitlamo bja bona bja motšhelo go fihla ka letšatšikgwedi le.

SARS ka mehla e dutše e tiišeletša setšhaba gore re šoma ntle le go fiega, rarela goba kgethollo gomme re tla tšwelapele go dira bjalo le go molefela motšhelo le mogwebi ofe goba ofe ntle le go lebelela maemo goba bodulo setšhabeng.. Gammogo le go swara molefela motšhelo o mongwe le o mongwe ka sephira seo se beetšwego go ya ka molao, le maemo a tshephagalo ya profešenale, ntle le bosodi, go bohlokwa gore setšhaba se be le holofelo go SARS. Re tla dula re hlompha melawana ye gomme re ka se gaugele motho ofe goba ofe.

Go hwetša tshedimošo enngwe: SARSmedia@sars.gov.za